

## **Održan konsultativni sastanak o preliminarnim nalazima i preporukama „Analize o korištenju revizorskih izvještaja od strane tužilaštava u otkrivanju i procesuiranju krivičnih djela“**

USAID-ov Projekat pravosuđa u BiH u saradnji sa Stalnom komisijom za efikasnost tužilaštava Visokog sudskog tužilačkog vijeća BiH, organizovali su konsultativni sastanak o preliminarnim nalazima i preporukama „Analize o korištenju revizorskih izvještaja od strane tužilaštava u otkrivanju i procesuiranju krivičnih djela“.

Ispred Ureda za reviziju institucija u FBiH sastanku su prisustvovali generalni revizor, zamjenik generalnog revizora i viši revizor sa međunarodnu saradnju i komunikacije, zatim predstavnici Ureda za reviziju institucija BiH, Glavne službe za reviziju javnog sektora RS, Ureda za reviziju javne uprave i institucija u Brčko distriktu, kao i predstavnici tužilaštava, civilnog društva i akademske zajednice.

Projekat pravosuđa ima za cilj jačanje vladavine prava u BiH i osposobljavanje pravosudnih institucija za efikasniju borbu protiv korupcije i drugih teških oblika kriminala.

Obzirom da revizorski izvještaji predstavljaju objektivan izvor informacija o upravljanju u javnom sektoru, navedena Analiza ima za cilj da sagleda trenutno stanje kada je u pitanju korištenje revizorskih izvještaja od strane tužilaštava sa aspekta otkrivanja i procesuiranja krivičnih djela.

Sastanak je bio jedinstvena prilika da predstavnici vrhovnih revizorskih institucija i predstavnici tužilaštava svih nivoa vlasti, razgovaraju o trenutnim izazovima te modelima efikasnije saradnje posebno u dijelu razmatranja revizorskih izvještaja, poštujući svoje zakonske nadležnosti. Obzirom da revizorske institucije i tužilaštva čine stubove nacionalnog integriteta, jačanje saradnje ima za cilj postizanje maksimalnih efekata kada je u pitanju sprečavanje, otkrivanje i procesuiranje krivičnih djela.

Sastanak je održan u Sarajevu u Hotelu Evropa, 10.03.2017. godine.

Sarajevo, 13.03.2017. godine